



雲岡選稿卷之三

詩

七言古體

仰宸樓歌贈大學士張公

樓名司徒鄒黃山所題



仰宸樓在何許司徒彩筆扁新題石首山前向
荆渚飛甍突兀高入雲月牖風櫺跨全楚朝來
霞綺射窓虛江色空濛擁平巖斜光倒影照滄
洲萬頃浮嵐濕樽俎凌空半壁隱晴虹當軒秀
出青芙蓉樓下長江淨如洗水深水淺藏蛟龍

樓中貯書千萬卷 御賜頒來黃金殿 玉璽重
封寶墨新琅函 什襲瑤花絢陽峯 夫子際時庸
清名自是金閨彥 玉堂清切侍 天顏彤闈日
日承恩眷 恩眷淹留駐 帝都此樓佳 氣無時
無主人欲歸歸 未得夢寐時 繞山之隅 宋臺梁
館已塵土 傑構崔嵬耀 今古功施社 稷却歸來
醉臥樓中歌 聖主

陽峯歌贈大學士張公

陽峯草堂江之浹 誰其作之張學士 學士人豪

逸興偏卜居 愛此佳山水 繡林龍蓋走 諸峯奔
峭懸崖勢 伏起煙嵐空 翠濕踈簾巨 石縱橫白
齒齒平田映 帶遶楓林雲 光霞彩來衣 襟岸荻
汀蘭互盤曲 落花深樹啼 幽禽朝光入 戶散浮
靄素練泓 澄宛如帶開 軒沙上飛鷗 鳧書靜笙
竽鳴萬籟 嗟予性癖愛 江鄉渚青潮 白山雲蒼
放歌一曲寄 遐想何當鼓 權臨滄浪江 月白江
霧蓄陽峯 之下江水長 峯頭日日生 雲雨盡令
四海回春陽

送林榕江儀制北上

君家積慶稱德門蟬聯簪笏垂華軒守庵典郡
聲名跡况復燕譽流諸昆文安康懿世稱賢司
馬司空耀後先尚書兩代陟宮保海內鴻名歸
大老君年弱冠掇危科金閨通籍早鳴珂功名
赫赫日昇海文聲籍籍風生波兩都郎署三十
載麟閣雲臺簡英家共道超宗有鳳毛芳塵趾
美冠儀曹 朝廷禮樂邁三五文治熙和日當
午願將古道翊 今皇澤被八荒作霖雨

寄壽卞鶴臯

維揚巨族鶴臯子六世同居號義門交遊海內
盡豪俊樂善輕財衆所尊一朝輦轂聲名起重
勅遙頒耀閭里華表高標積善家月旦鄉評稱
義士卽今子姓多象賢冠裳濟濟紹家傳燕山
五桂擅奇種王氏三槐兆必先憶昔維舟廣陵
渡瓊花觀裏忽相遇北來寺中載酒過回首江
雲春欲暮我今又見鴻臚郎天衢萬里任翱翔
交情世誼如昨日越山楚水道路長浮萍聚散

付流水參商永夜遙相望慙慙寄汝紫霞曲持
向高堂捧壽觴

秋雨歎

晚禾烝熟多枯死入秋彌月仍多雨山泉溪漲
混同流四野茫茫成白土魯地已看六鷁飛齊
丘又見商羊舞君不見城隅哀哀泣婦人官租
未了身無縷

村婦持筐擷野蔬蔽形不掩羅裙襦亂髮蓬肩
赤雙脚欲語不語聲長吁路傍問之吞聲哭祇

言家室愁均輸夫身繫圖不得出日食已晚未
得餉歸來無薪可供爨羞向堂前問舅姑君不
見春間斗米值百錢嬌女爲婢男爲奴

贈陶雪堂都運之子

君不見陶君之子清且奇龍從頭角異凡兒雙
眸炯炯照秋水面白脣紅貝爲齒卽今弱質纔
九齡口占奇對如建瓴又能挽弓射百步四筵
賓客驚相顧母乃衡湘炳精靈產此寧馨巧相
遇吁嗟陶君之門世積德珍重此兒瑞家國

別汪西潭憲副

停杯且勿喧聽我歌別離此情不可道此別難
爲辭近別猶可期遠道不可知爲君歌一曲萬
里寄相思君才本是金閨彥壯年奏賦明光殿
周游畫省司徒郎出持繡斧臨邊疆雲中旆色
耀晴旭腰間劔氣橫秋霜善政優優播甌越聲
名籍籍騰天闕清標玉宇懸冰壺逸思瑤空流
皓月邇來邂逅海之濱執手相看猶故人惠我
一卷青囊錄識鑒超卓如有神方期不朽崇明

德忽復馳驅覲京國春江瀾瀾開錦帆楊柳青
青壯行色交情繾綣惜離筵丈夫立節垂千年
薊北閩南天萬里臨歧把酒意茫然

李克齋吳默泉二大叅招飲澄心堂

紫薇堂高聳碧霄南山佳氣鬱岿堯庭空晝靜
吏人少公餘折簡時見招入院松陰青未了省
中退食聞啼鳥輪囷老樹大十圍散影扶踈蔽
昏曉是時物候冬向深梅花破臘香滿林香風
襲人春意動開襟不見寒威侵太白仙子真豪

妙酒後掀鬚發長嘯自誇百爵不須辭時共吳
公開口笑雄才逸氣凌蒼煙長鯨一吸傾百川
憑陵大叫呼好采滾滾高談驚四筵雙瞳炯炯
懸明鏡壺矢錚錚落清聽出奇制勝突如來對
酒看花不覺暝綺窓叢竹搖青芬歌管飄颺空
外聞鐘聲忽度西山雨月色還開南浦雲同袍
荏苒倏二紀青眼相看誰可擬共期勲業垂千
年不學公孫逐時靡寒更夜柝轉高樓金杯潦
倒仍淹留歸途步月天街靜北斗已挂東城頭

智泉

青山一派銀河出飛流噴雪洒穹石奔騰三折
窪爲潭細草蒙茸繞泉碧雞峯斜下遶溪行泯
泯一道泉流清松林盤糾通蘿逕兩岸幽山夾
水聲羊腸詰屈依山麓驟見玉龍相追逐晴川
白日鬪雷霆驚濤百丈懸飛瀑智泉之名良不
孤誰其表之陳方壺二山主人好奇興游覽每
與泉石俱捫蘿踏苔千百仞絕壁梯雲出松徑
剪除荆棘步尋芳杳杳風泉滿清聽邀賓載酒

欲窮源醉來箕踞卧雲根手掬清泉泛杯掌衰
藤古木迷天昏諸公之興猶未已更欲誅茅看
山水相期爲我結草亭洛陽詩社追耆英會當
歌詠舞雩化日向斯泉濯塵纓

送余畫士

四明古號佳山水日月兩湖盪千里其間人物
多賢豪余生妙得丹青理壯年仗劍遊帝京
姓名籍籍動公卿酒酣掃素得天趣筆法欲與
古爭衡虎頭將軍吳道子王韓董夏併二李范

韋王馬郭河陽更有龍眠李居士吳興學士陳
所翁墨蹟相傳紹其美本朝名筆當者誰楚越
戴進與吳偉沈林夏呂踵芳塵海內馳名亦無
幾史遷遠遊文日進余生涉歷半湖海名家妙
契本師傳巧奪化工混真宰余生別我從何來
欲從白下向金臺他時刮目應相待神遊八極

滄溟開

贈喻晴江方伯捧表北上

樓舡伐鼓芋江滸錦纜朱簾映珪組遙空炯炯

使星紅萬里函章拜
明主金闕崔嵬深九重
大廷禮樂超夔龍
彤墀舞佩明朱袖
對揚有喜昭天容
使君自是濟時彥
瑚璉奇珍久堪薦
閩南歲晚方識荆
龍門笑領春風面
廟廊正爾需才華
朔鴈寒星伴使車
隴上看雲相憶否
試憑驛使問梅花

戲題贈人

家住蘭谿溪水曲
萬頃玻璃潑醅綠
春風買權泛江雲
風檣煙艇紛相逐
江湖寄跡閱年華
開

遍山城幾度花閒
將風月供談笑
乾坤隨處便為家
六十韶光隙駒
又床頭時有綠醕
酒酒醒散步暮江
天城邊池蓮村中柳

題蘭畹卷

道人家在蒼山裏
獨愛幽蘭與芳芷
閒居碧草生滿庭
手植孤根傍煙水
零露秋高九畹滋
不隨桃李競春姿
臨風欲采寒香贈
散步江天獨立時

贈丁戊山人遠遊

傅子自是人中龍
熒熒星斗羅心宵
生平足跡半湖海
有時鍊藥登雲峯
退之華山窮絕頂
子晉緱嶺時相從
往日辭家十八載
邇來復携萬里筇
欲乘淑水扁舟月
更聽姑蘇半夜鐘
西行若見念庵子
道我交遊萬事慵

題所翁畫龍

葉公好龍龍下迎
僧繇畫龍不點睛
劉累御龍卜周祚
朱漫學技竟何成
所齋醉墨灑天漢
驚雷掣電走凌亂
筆底風雲變化間
滿堂煙景翻溟瀚
我本江湖遨遊者
覩茲神物意瀟灑
君看潛淵奮起時
普施霖雨遍天下

辭榮歌贈王青蘿

昔見右溪白山子
每談南海王青蘿
壯年射策明光殿
又辭榮祿歸山阿
到處林泉恣歡賞
閒中風月任吟哦
飲若長鯨吸江水
百杯滿酌仍高歌
世間聲利等漚鳥
曠懷樂志何其多
望與羅浮山竝峙
思翻溟渤水增波
君看漢代雲臺將
不及桐江一釣蓑

山茶歌

張心泉餽余茶花一盆二種其一照殿紅
又名映日丹其一則蜀茶同本異幹花之
奇品也歌以賞之併柬心泉

美人贈我照殿紅花開映日迎東風美人贈我
蜀茶蓋翠萼綃囊媚煙水三山海國二月春園
林簇簇百花新枝頭好鳥鳴求友嬌紅嫩白鋪
華茵看花滿眼發幽興聽鳥鳴春懷好音好音
幽興不易遇熙熙萬彙同春心小亭日午坐書

案綺疏竹影光零亂暖風晴日天氣薰綠苔石
逕飄花漫風景滿前題不得蜀茶照殿為我增
顏色

五言絕句

早秋

塞遠冥鴻度秋高胡馬肥關山一夜月處處搗
寒衣

古意

妾有青銅鏡梳粧不離身願持鑒終古肯復照

他人

朝天宮賞牡丹

露浥離披秀日薰深淺紅故將妖艷態日日笑
春風

寄題道山陳氏水亭

小徑通園圃幽亭映苑沙春風深戶閉飛盡海
棠花

夜坐

暗竹泉流響微風花氣馨夜深時獨坐雲漢度

飛星

水吉夜泊

風雲霏霏夜溪居已閉門扁舟沙岸宿獨犬吠

山村

和河上醒歌

林榕江以河上醒歌六絕見示序之曰經
旬不飲絕無人事故作是歌其意深矣余
謂醉而能醒醒而能醉是善醒善醉者也
不然則柴桑之醉果真醉華山之睡果真

睡耳非知醉醒之意因倚韻而和之命曰

和河上醒歌

心事關憂樂人情任醉醒
澤畔行吟者平生眼
自青

白雲在青天鳴蟬在高樹
清簟捲疎簾薰風時
入戶

山色青不改浮雲時去來
開門見遠山玉井蓮
花開

兀然林居小晨昏景自多
山深聞鳥語江靜苔

漁歌

碧練瓊河水柴門向水開
綠灣楊柳裏時駕小
舟來

阮籍非耽酒盧仝不爲茶
吾將鍊丹液泛泛乘
雲霞

題林榕江畫冊

孤村明野色萬樹點山尖
去馬來牛路風光近
短簷

湖亭晚眺

堤上湖草綠堤下湖水清湖中捕魚子晴雨半
生平

車輦道上松

東來喜看山更喜山上石青青數株松清風生
兩腋

箕子墓

青山芳綠苔封壤築高臺使車一瞻拜蕭瑟悲
風來

箕子祠

古廟蔓藤蘿屹立檀君右丹青儼如故春秋薦
椒酒

發開城道中

綠水臨長壑春風吹白茅溪邊一石塔上有鶴
來巢

太平樓次唐先生韻

錦席開華館扶鞭信馬歸明星時在戶點點照
春衣

萍蹤涉海左歸夢度遼西五雲雙闕曙起坐聽

鳴雞

過劍水

徑路微如綫松風鼓水紋輕輿三十里衝破嶺
頭雲

先月亭

亭子傍山隈雲光夜夜開層簷非近水為有月

明來

一覽亭

小亭開鳥道突出萬松閒堆翠濃如滴千山一

覽間

秦王島

茫茫遼海灣上有秦王島盧生久不來秦王空

自老

姜女墳

海濱姜女墳穹窿一片石秦關渺何許日日望

行客

龍泉寺待吳龍津給事不至

旌旄久不來緩襟步庭宇亭亭數株松下有一

碑古

題廖漆濱太守卷

群峯峭青壁鳥道接丹梯松風度樓閣上有幽人棲

雪色迷山徑寒江有釣綸臨淵何足羨應念苦寒人

中湖夜泊

遠墅稠群木清流汎短蒲扁舟投岸宿山鳥夜驚呼

壽溪對月

溪水平如鏡蒼煙靄暮林月滿迴塘上寒潭深復深

姜篆江都運贈辛萊川酒

兩畦三十品無如此奇茁清意有誰知道腴從此出

綠甲春來細芳園過雨霑堆盤香氣馥入饌翠

雲纖

竹浦尊初散梨窓客未醒相逢傾一醖對此眼

偏青
右謝朓

重碧潑金壘月照寒潭水坐對賢人心何以酬

知己

奇方出神仙何不遇唐賢色比咸陽美人傳斗

十千二十品無改

遲日薰絲柳晴雲秀遠峯幽懷何以暢且盡琉

璃鍾
右謝酒

六言絕句

崇安道中

獨樹維舟橫渡兩山夾水中流礧田雙雙溪鳥

風帆片片沙鷗

輕煙籬落燈火旭日草屋雞豚數尺門臨流水

一聲犬吠山村

絕壁臨溪欲斷奔泉激石空流珠宮佛刹雲表

綠樹漁罾渡頭

過安州雲巖院

草沿新砌方鋤花落空庭未掃雨後看山最奇

煙中望海猶好

金郊道中

景交二月三月日過千山萬山孤鳥輕雲海上
落花流水人間
乳燕頻來四五飛鴻遙見二三風光頗同薊北
客夢常遶江南
重陽後遊鼓山
石鼓峻峻突起煙波渺渺飛來九月江中潮滿
三秋海上雲開

蘭若看山未足青絲沽酒何遲渚清沙白如許

鳥歸霞落誰期

上院半山法界藤蘿縹緲諸天日落雲迷野寺
潮來水滿洲田

古寺僧歸花外仙家犬吠雲間繞屋幾灣流水
環江一派青山

遠嶼晴空鳥沒古亭芳草碑存壘嶂苔封石室
清齋鐘動雲門

石上書留鳥迹山間樹老虬枝磨崖試覓舊句
寒蘿爭看新詩

陪張半洲遊鼓山壘前韻

天意於人有約山靈喜我重来公今切莫辭醉
野菊滿林盛開連日陰晦是日
晴明故有首句
出郭見山即喜肩輿赴約未遲探討直窮大頂
登臨不負幽期

翠壁高盤萬丈銀河直下九天杉松中藏古寺
洲渚遠帶平田

雲捧綺樓天上風傳清磬人間生平最有幽癖
襟懷祇在青山

削石臨溪欲墮欹亭嵌洞猶存簇簇小橋草舍
濛濛細雨江門

野蕨薄供數味山花斜插一枝洞簫聲震林谷
歸來馬上題詩

雲岡選稿卷之三畢

雲岡選稿卷之四

詩

七言絕句

遠在京華憶故鄉

客懷蕭瑟對秋芳

天寒野曠滄江暮

幾陣寒鴉鎖夕陽

長信宮中秋草齊

玉人斜倚玉樓西

碧天萬里歸鴻度

送方體道御史之南畿

潞河楊柳拂堤青
河水逶迤素練澄
驄馬雕鞍出城郭
煙花樓櫓下金陵

金陵王氣古來奇
皇祖貽謀建丕基
霄漢風

高騫隼鸚疆場何處覓狐狸

栢臺霜冷復烏啼
蹕道風嚴聽馬嘶
回首長安

瞻日近巍巍宮殿拂雲齊

一片征帆遠客心
洗天梅雨度江陰
碧空萬里

吳臺月此夜相思深不深

湖堤

狂風瑟瑟吹我衣
碧水蕪葭帶極浦
長堤獨馬少人行
回望四山盡煙雨

送胡慎齋太守入覲

牙檣錦纜越江濱
白叟黃童揖路塵
臥轍何時慰歸思
春風重見柳條新

溪雲江水度千山
萬里馳驅覲聖顏
雉尾影

中頒鳳詔應知丹陛錫恩還

和河上醉歌

林榕江以河上醉歌見示余誦之見其叙
事清切寄興高遠恍如身在河上也昨瓊
河燕歸時已二鼓因醉而歌之醉而和之
亦猶瓦缶之擊各適其音耳命曰和河上
醉歌

河上瓊樓仙子居涓涓春水映清渠閉門盡日
渾無事閒讀淮南數卷書

種竹栽花雲水鄉村居無事日偏長海鷗沙鶴
知心性笑看浮生底事忙

潘希諸君招飲鼇峯勝觀亭

山寺鐘聲藏樹遠海門漁火射波紅半空幻出
蓬萊島百萬人家一顧中

宿劔浦城外

扁舟繫纜懸崖上故國鄉思入夢饒昏暗不分
山水色漁燈點點在浮橋

登天遊觀

獨上高亭俯萬峯飄飄雙袖舞天風青林碧水
煙霞迥身在紅雲香靄中

西湖曲

竹籬草屋住湖邊
柳陰下繫泛湖船
遊人載酒日歌舞
僱直惟須三百錢

湖草青青泛白鷺
中流款乃聽漁歌
吳娃年少慣留客
翠幕朱簾載酒過
郎上湖船子夜歌
儂乘小艇泛金波
春光不管隨郎去
對景尋芳儂亦多

問郎何事逐東風
楊柳橋頭春正濃
桃花開遍色如錦
笑折一枝羞殺儂

楊柳花飛糝綠苔
隨風飛去又飛回
晚來入戶當筵舞
點點輕狂落酒盃

家住湖邊弄綠漪
荷香十里晚風吹
遊人只道西湖好
生小從來自不知

湖上絲絲萬綠條
湖邊比屋趁漁樵
種成桃李千餘樹
何日濃陰遍六橋

滄洲道中

草屋村氓慣負鹽
蘆困蒲橐滿閣閣
小舟撐入長河裏
縱有巡兵更不嫌

候駕謁山陵

長安馳道接昌平翠輦歲徒出鳳城玉節金幢
喧鼓吹蟒衣中使夾街行

武士分麾擁節旄羽林千騎帶弓刀六宮步輦
張黃幄內使乘驄著錦袍
百寶沉香金羽蓋珠簾玉几遠遊冠山陵扈從
羅千吏門外高呼擁百官

迎駕

傳聞 聖駕在沙河衛士紛紛策馬過銀箭金

壺宮漏永中天月色傍人多
天子離宮遠在山新亭肇祀駕駢還群臣走馬
連宵發鎖鑰當門夜不關
扈從山陵走百司碧峯丹嶂耀旌旗 駕迴長
樂鐘聲動驚起鳴鴉宮柳枝

送馬蘭谷叅將
提兵邊塞拱神畿隊隊旌旗草木輝落日黃花
原上路將軍縛虜馬前歸

送臨川王尉

作尉臨川且近家公庭訟獄寂無譁九重述職
歸來後依舊東風滿縣花

夜宿榆關見月

海天長望戍樓閒烽火高原鎖暮山永夜朔風
傳漏柝邊城明月照榆關

榆關雜詠

聞道天驕已渡河陰山萬里雪水多長城戰格
連青海胡騎如雲不敢過
巨額黃髭最健兒彎弓奪取虜驢騎臂鷹走狗

沙場地醉把胡笳向月吹

朔漠風寒草木枯桓桓騎士列前驅夜歸雪滿
弓刀白羗笛一聲山月孤
頻年不解黃花戍列塞雲屯百萬兵日夕轅門
傳夜柝軍中時聽鼓鼙聲

題北鎮廟

有遼金碑

丹青廟倚白雲深松檜森森古殿陰荒草斷碑
埋鳥跡細芟蒼蘚認遼金

題任西溪都憲畫

萬頃晴雲捲暮霞一泓秋水遶溪斜輕煙半鎖
山前樹月白松青漾碧沙

贈馬總戎
皇圖萬古壯山河列騎連營關塞多賴有干城
良將在紛紛雜虜敢橫戈

山下觀獵

吹角連兵下帳幃彎弓千騎疾如飛雲羅四面

包原野白日山中看打圍

初見杜鵑花

半嶺晴開半嶺霞隔江錯訝日西斜三韓春氣
深如許纔見東風第一花

宿牛峯縣興義館

蒼屏微靄鎖樓臺點點梨花破綠苔高捲湘簾
放山色重簷不礙燕飛來

開城太平館

松嶽峩峩高挿天荒城落日
起寒煙西京舊說高麗地
傳國曾經五百年
朱甍碧瓦鬱嵯峨曠野飛煙日暮多自是皇

明聲教遠車書一統混山河
日暮夕陽景
邑里村莊散萬區
油油芳草綠平蕪
路人不識
山川恨指點層城說故都
日暮夕陽景
安和演福最爲佳
廢寺殘燈傍古崖
蘇晉不來
空繡佛更無高士坐堂齋

將發碧蹄阻雨

此去藩邦祗一程
却教霖雨滯行旌
邦人莫訝
風煙濕爲有
龍光過古城

高麗故宮

松蓋扶疎十里陰
層臺石壁紫苔侵
當年歌舞
翻成夢今日春風碧草深
千層石級建高臺
麋鹿朝遊長綠苔
松嶽煙嵐
清自好月明時有鶴飛來
休問天孫
重過龍泉館

重過龍泉館

看山移席聞啼鳥
對水停杯數落花
望裏聲聲
藏密塢香浮片片泛流霞
不
山

登浮碧樓

銀河東下綠波深
煙艇微茫繫柳陰
晚上高樓

亂春色漁燈幾點在江心

望海寺

海上石山山上寺寺中惟有一山僧自耕數畝

荒田地獨守寒廬夜夜燈

題廖漆濱卷

丹峯翠壑起輕煙正是江村雨後天飛鳥不來

沙渚淨濛濛雲氣亂前川

獨向江頭坐釣磯浮嵐空翠點春衣臨流回首

看歸鳥高樹無風葉自飛

送曾東村之仙居

官舍闕山隔越山馬蹄天北又天南半庭過雨

槐陰綠絲竹聲清月在潭

題牡丹

深紅焯灼出瓊闌旭日初開捧露盤自是名根

未上苑天香國色總宜看

舞態嬌姿破粉紅競舒穠艷畫闌東長安多少

尋芳者依舊風流似洛中

化離粉黛賽宮粧醉暈朝紅夜染香領取春光

來上國分明留作萬花王
瓊英淺碧翠雲翹素態清
鬼濕未銷春晝玉人
眠不得蓬萊深處聽吹簫
代人題壽意
江城雪後梅花發
仙子乘雲駕彩鸞
傳得深宮金鳳曲
紫簫聲徹碧空寒

送王文昭司訓袁州

袁山秀水接高城
畫舫橋頭月正明
溪寺鐘鳴人語寂
郡齋猶有讀書聲

夾溝驛待張龍湖不至

扁舟乘月泛江沱
銀漢無雲映碧波
一夕思君何處泊
夜深燈火聽漁歌
遠岸孤帆隔一程
中宵月色傍人明
相思不寐猶江水
欹枕時聞撥棹聲

內乾運殿

團團小殿古松斜
石檻玲瓏映水花
翠輦不來金鎖合
綠楊深處有啼鴉

挽常州陳進士

南宮一見識才賢何事迷途阻去鞭山鳥山花
夢塵世紵歌空載月明船

送呂希武知道州

赤旗朱弩縮銀魚父老爭迎刺史車欲副蒼生
更何術篋中惟有捕蛇書

送人宰邑

卓蓋銅章出帝都每於雲裏見雙鳧他年入
覲長安日爲問民謡近有無

送鄭子尹河源

星軺初向惠州城爭看兒童竹馬迎爲問吏人
何治術一錢一硯是生平

次顧東橋息園新營雜興

久聞吳下辟疆園新闢西莊給事門日涉已成
陶令趣地偏擬向阮生論

野徑休鋤草自花庭柯不動集昏鴉息機會到
忘言處碧水丹山是王家

碧欄干畔長陵茗踈雨輕風養藥苗莫把漁竿
釣煙水浦鷗清影自蕭蕭

花逕流泉架石梁垂楊脩竹蔭方塘鶯聲燕語
頻來往時有風光到草堂
菜竹青青挺萬竿瀟湘春雨拂雲寒清談時有
高軒過日永遊人載酒看
宿雨林花帶霧香葛中細簟坐雲涼閉門手展
黃庭卷樹影移時日正長
誅茅背郭避嶮峯竹塢槐庭散綠陰細細荷風
來水面溶溶梧月到天心

晚稻登場紫蠟肥江天冥冥鴈南飛開軒深酌
凌秋色庭葉蕭蕭弄夕暉

朱英翠苻匝清池夾岸芙蓉欲吐時獨坐謾成
秋水賦一盃深唱大風詞

久盟松竹結嘉賓更與泉蘿作主人徙倚雪晴
雲散後紫金山色月華新

桂洲少師以西苑應

制紀勝諸詠見寄因憶辛卯秋

皇帝新立亭殿于西苑重農事也落成命二輔
臣進講無逸殿卿時以職事展書殿中

賜宴于幽風亭惟卿與詞臣與焉亦榮遇矣
遂追紀而和之
君王垂拱坐西宮寤寐羲皇德並隆無逸殿圖
思稼穡亭開七月揭幽風

宮柳半含煙靄濕林花猶帶露華乾朱門路遶
昭和殿紫禁雲高太乙壇
天池西畔玉橋橫萬頃琉璃綠樹明百鳥迎春
來上苑一犁新雨餉深耕
金海亭開面面風錦屏文石萬山同五雲雉尾

開宮扇龍衮光浮日正東

深秋新殿講筵開錫宴亭前進玉杯汾水度詞
輝草木洞庭張樂起風雷

輔臣坐講隆新典內侍遙將朱几來 天語從

容親賜宴宸恩仍許從臣陪

翠華遙駐苑中山留得 君王一顧歡恒裕有

倉供帝藉後宮爭向祀蠶壇

龍池風起細揚舲殿閣清陰入窈冥青草叢中
藏海屋綠楊深處見山亭

錦芳亭北倚欄干，鷓鴣鷓鴣滿晴瀾。銅龍突出
神霄上，仙掌高擎承露盤。劍入凌雲青草黃，中
帝城西苑立神倉。欲備采盛潔稻梁，故事鬼神
同夏禹。經營靈沼詠周王。武王一賦，離師谷育
含風御柳絲絲綠，映日宮花朵朵丹。雙闕雲中
龍輦下，百官鵠立侍鳴鑾。泚未山人來，天竺外
翠芬清馥披亭殿，脩竹喬松冒玉池。輦道平臨
芳草地，旌旗高拂綠楊枝。前並王村，谷水雙臨
玉虹垂。練碧山頭下注激，潭繫小舟翠苑輕雲
生別殿。金門旭日上龍樓。

昭和殿敞錦芳亭，擁翠飛香秋露冷。鳳舸龍舟
蘆渚畔，石門煙景洞雲冥。

古殿森森萬木陰，石潭風磴度清深。碧梧枝上
鶯拋錦，綠藻波心鯉躍金。
柳岸蓮塘接苑門，珠簾繡柱抱華軒。謾言衢室
皇風遠，猶有茅階古道存。

廣寒涵碧並巍峩，翠壁丹梯翳女蘿。海上何須
覓蓬島，皇明萬載此山河。

石鏡涵空海月生
玉龍噴水洞雷鳴
巍巍池閣臨丹極
杳杳宮樓接太清
和桂洲白鷗園諸詠

八角塘

八角橫斜水滿塘
無邊景物在江鄉
夜來春雨山前過
添得風光上野航
蓬萊閣
小閣鈎簾環綠水
蓬萊元自隔風塵
綸巾羽扇逍遙坐
野老驚看天上人

賜閒堂

黃扉日日面天顏
受國深恩暫許還
海內蒼生方屬望
肯教一日與公閒

明月榭

萬里無雲騰碧海
水邊虛榭受光深
閒來獨坐中宵永
霄漢遙懸魏闕心

醉春臺

藜杖青鞵獨上臺
春山春日百花開
撩人春色濃如酒
對客須傾三百杯

金陵雜詠

處處笙歌春未闌
江亭微雨杏花殘
朱甍繡戶長門閉
風度飛花撲畫鞍

楊柳絲絲拂苑牆
宮門旭日耀珠光
御河流水年年綠
時聽春鶯繞建章
春雨霏微入未央
天街碧草淨年芳
上林花發濃如錦
宮殿千門鎖夕陽

綠草成茵擁畫欄
春晴花氣滿長安
紫金山色明如畫
輸與遊人駐馬看

渡江訪陳虛窓中丞

候館傳餐暫息勞
丁寧舟子理篷篙
高官船解纜迎潮
上峽口風來浪正高
官渡橫江駕櫓雙
隔溪帆影入船牕
夜來添得前山雨
滾滾溪流入大江

層峯疊疊埋雲樹
細草纖纖澗泉茅
屋山頭聯石級
村氓老幼盡于田
大頂文峯聳處尊
此間無異浣花村
中丞甲第開三徑
一簇松杉正遶門

倚岸成橋通小溪溪流清淺草萋萋野花自落
春歸去澗戶無人山鳥啼
古檜蒼松入院涼雲屏錦席共燈光殷勤重話
十年事風雨蕭蕭夜對牀

村居雜詠

臨漪草閣

草閣風生六月涼臨漪馥馥芰荷香釣簾驚起
雙鷓鴣寒影蕭蕭過柳塘

望仙樓

望仙樓近望仙橋仙子何年下九霄月白風清
人未老緱山鶴背聽吹簫

容膝軒

笑我洞房如斗室環堵蕭然只容膝開軒着眼
滿庭芳春草詩成拈彩筆

一峯樓

月夜時聞笙鶴音坐闌庭影轉花陰春雷忽送
千山雨試問溪頭水淺深

春日山亭偶作

石徑逶迤萬木中
纖纖新草碧欄東
江亭一夜春風起
滿院桃花着樹紅

池館

池館新開越水濱
林花一度又逢春
曉來風起狂枝舞
祇恐花飛惱却人

新荷初展綠如錢
萍葉青青野水鮮
春雨夜來添幾尺
湖塘隨處起烏鳶

越王臺覽古

古木垂陰綠滿園
長橋十里接江門
越王臺殿

臨江曲青草平蕪
何處村

十四門橋

踈松策竹擁村原
跨岸橋通十四門
水淺沙明飛白鷺
夕陽溪色近黃昏

溪源宮

仙觀依山過十尋
軒楹俯瞰碧溪潄
潄潄細石漾流淺
下匯碧潭無底深

再渡義谿訪陳虛窓

岸濶沙平江水灣
青簾畫舫水雲閒
晴光忽散

千峯雨天畔分明五虎山
舟過陽崎江漸濶峽流半渡一溪分平田綠野
人家少惟有漁歌接水雲

平臺次張半洲韻

金風澤國報新秋望入千崖爽氣浮絕頂雲霞
飄羽蓋郡人傳說謫仙遊

木落天高林影秋涼風輕颺海雲浮江城十里
潮光滿更擬扁舟載酒遊

春日同祝九山登烏石山次韻

江流如帶遶青山萬里風煙壯客顏坐對海天
遙送目蓬萊宮闕五雲間

江城野圃淨秋容落鴈平蕪夕照中共酌仙臺
豁高賞萬松清吹落天風

搖落心悲宋玉秋煙波渺渺使人愁雲歸四野
遙空淨紅蓼花開江水頭

首夏聚景亭獨坐

首夏紅葵照日明環亭開作錦爲屏畫欄倚遍
江天暮沙碧松蒼眼倍青

池塘雨過蛙聲鬧
庭院雲晴樹影多
草色踈簾青近砌
湖光空水綠平荷

秋日飲半洲城池汎舟六塘

秋日水亭橙橘香
錦屏華席坐雲涼
清歌遶棟飄群木
向晚移舟汎六塘
黃竹歌聲激素波
當筵銀甲弄雲和
游魚撥刺橫舟過
簫鼓中流發棹歌

仲夏山亭漫成

裊裊竹扉迴曲沼
籠籠曉樹綴明霞
小窓鎮日山禽語
落盡荔枝龍眼花

秋日過倪維朱池亭小酌

曲巷新開柱史莊
苑中高竹入雲涼
踈簾清簟看棋局
碧椀調瓜薦露漿

柳屏隱約通蓮沼
花檻逶迤接竹林
颯颯秋風吹雨過
四山雲影半池陰

夏日山亭觀穫

小屋低簷不礙雲
平堤短岸曲通村
滿田婦子欣禾黍
長夏清風半掩門

越山北樓乘涼

山上層樓高接天下瞰城郭通人煙蕭蕭徑路
臨山寺閒與山僧坐論禪

瑤芳亭觀打魚

流光過眼忽三春塵尾綸巾綠水濱能解閒行
還自笑吾身天地一迂人
脩鱗潑潑漾池春野老相看綠樹濱不是漁磯
不垂釣打魚元是養魚人

碧練亭觀種田

蛙聲淺草開春波刺水秧苗風日和四境村村
農務急滿田兒女唱田歌
暮春正是種田時一望瀰漫綠野齊最喜風光
迷似醉路傍叢竹叫田雞

秋日山亭對雨

狂雷挾雨自天來四望雲陰黯不開山色空濛
平野合鳥飛不度越王臺

瑟瑟西風捲綠荷蕭蕭涼雨滴秋波水亭坐愛
楓林晚忽見一行白鷺過

樓雀驚風隱暮霞行人避雨入田家一群乳鴨
方浪喜游泳往來穿藕花

秋日山亭野酌

陣陣秋雲踈復行夕陽斜影半山明一聲古調
飄林木幾點寒鴉空外鳴

雲岡選稿卷之四畢

雲岡選稿卷之五

詩

七言絕句

春日同鄭東溟少司寇遊鼓山

梯雲絕嶠漱泉聲晴日春山聽鳥鳴磴道縈迴
出林杪中天遙見一江橫

舟過方山

群龍奔峭插江斜簇簇青松蔭白沙日夕空山
雲霧起隔林煙火幾人家

入才浦

洪江南下望仙崎岸闊江平漫石磯榕樹渡頭
天欲暮春帆一片雨中飛

晚過楊蘭石少叅濯錦亭待月

偶過楊子談經所匝岸芙蓉開滿池清光入戶
分燈影正是東山月上時

濯錦池開玉井東幽窓綺戶映朱櫳踈簾半捲
樓頭月人在梧桐樹影中

夜深羽扇不停披九月炎如六月時羅幙虫聲
猶未散中庭兀坐看星移

塔湖看網魚

懸鶉破衲打魚人歷盡江湖不厭貧老婦溪春
携稚子潮回晒網滿江濱

拍肩三五小孩童孱弱操舟疾似風舉網洪流
隨上下得魚沽酒是年豐

口號代東問人乞花

草堂已築少名花欲得天香挹露華乞取松梅
與蘭桂十分春色到吾家

村居對月

萬里流輝自可人
碧空寥廓淨無塵
瑤臺仙子乘鸞下
滄海桑田閱幾春

月明清影靜涵池
點點飛螢入我衣
風定碧波平似鏡
懷人千里共清輝

獨步庭中偶成

茂樹庭前長綠陰
芭蕉抽葉已成林
道人終日無餘事
獨立花間聽鳥音

送詹上舍

欲買茅堂傍建溪
樓成當與四山齊
同由橋上看舟下
萬石灘頭聽鳥啼

林小山留飲小林園

傑構久看司馬第
名花新築洛陽園
不妨紅霧飄青蓋
客至先開綠蟻尊

曲徑逶迤微雨滑
奇峯屹峙夏雲高
避暑偶成河朔飲
名流猶有竹溪豪

捲幔晴山湧白雲
開軒綠沼起鷗群
幽懷不倦客常至
潦倒應須到日曛

池上橫橋橋上亭綠陰臨水亂蟬鳴碧筩勸飲
君須醉時聽山歌三兩聲

亭上欄干遶石塘亭邊花木淨群芳鮮魚入饌
銀絲鱸玉液調冰琥珀觴

謝活水侍御招飲末山莊

出郭應知在郭忙野人性癖戀江鄉得歸茅屋
真吾事一飯君恩未敢忘

雲飛葉落滿林坳絕壑懸崖秋氣高半月山樓
懶巾幘芙蓉杜若遍江臯

倪維熙招飲東莊

小築新莊近水頭大堤芳草起沙鷗隔林試問
拏舟者秋水年年幾度流

李百竹家賞盆桂

細雨紛紛濕紫苔邀賓爭爲看花來臨風欲共
花神語滿泛花香入酒杯

垂垂金粟綴芳叢采得天香滿袖中誰信吳剛
能斫伐却疑身在廣寒宮

張半洲宅夜坐叙懷

畫戟新開司馬門
湘簾高捲碧山雲
暖風暗度春宵約
二十年來此論文

禁苑鐘聲散綠槐
長安並馬早朝迴
同遊交誼今誰在
愧我如公濟世才

萬年枝動亂鳴鴉
仙掌晴光映彩霞
香度六街官舍近
開尊長對紫薇花

春日泛舟釣龍江至西禪

釣龍江上越王臺
春日潮迴錦纜開
舟子答歌爭進漿
西禪宮畔看山來

扁舟搖曳傍溪花
布鞵青鞵踏軟沙
芳草岸平江水碧
折楊驚起亂鳴鴉

二月舟行義谿紀興

輕移畫舫碧江濤
破浪風來繫柳陰
隔水向人頻問路
小橋步入荔枝林
蕩漾春江一棹輕
幽林携手試閒行
村氓不識衣冠客
指點舟人問姓名

溪平如鏡蘸星河
曠野風煙日暮多
何處小舟聯絡下
空山江靜起漁歌

七月六日飲半洲城隅園池

偶來避暑上亭臺
朱李光浮琥珀杯
日暮半池雲氣黑
西山殘雨送輕雷

夜宿裴公洞

白石青松滿舊山
丹梯萬丈費躋攀
世間名利紛紛者
不及先生早閉關

過洛陽橋

溫陵原是舊遊地
訪勝于今一問津
賴有端明宋學士
千年題柱屬何人

木蘭陂題李長者卷

中流砥柱障狂瀾
萬石支撐擁碧湍
三十六間憑地險
綠波光浸一山寒

踈財捍患築長堤
爲國忘家載口碑
水綠山青人自老
至今惟說木蘭陂

次陳培竹餽葡萄韻

冉冉龍鬚牽紫幹
纍纍瓔珞粲珠丸
若求調鼎登清廟
似與鹽梅一味酸

立秋後過新庵

身健藜筇不用扶
秋風蕭瑟入菰蒲
興來烏石尋僧寺
閒看山僧印佛圖

見倭寇所燒海船

海船三百六十艘
羅列江邊樓櫓高
一夕半歸煨燼冷
殘兵折戟赴江濤

謁閩越王祠

民家燒盡有殘楊
古廟巍峩鎮越疆
煙艇風帆江水漲
巋然獨峙曾靈光

讀郭景純遷州記

福地福州原有識
茫茫滄海變桑田
君看郭璞遷城記
六六年來兆已先

四月七日平臺月下聽滇人吹簫

臺高縹緲接丹霄
閩海妖氛尚未消
散步瑤堦清露滿
月明良夜聽吹簫

五月四日汎舟臺江

渡頭搖舫出沙灣
百里人家一望間
江岸連山江水闊
舟中惟見越玉山

八十二日再汎臺江

月上東山潮正平
隔溪漁火映江明
漿聲咿嘍中流響
隱隱山橋帶越城

臺江舟中對月
里人寒一簪問
六甲幾山
點點疎星流紺宇
娟娟新月照江湄
開簾對月潮初長
江上漁翁罷釣時

渡江至水西
一夜颶風吹猛雨
五更雨止復停風
湏臾換柁橫江去
蜺水旗山在眼中

林旗峯太守江門發舟
連錦樹美人猶隔水中洲
渡頭微雨濕棠舟
一水盈盈起白鷗
遙指江門

過陽崎江

煙雨滿江潮水急
漫移畫舫傍漁磯
舟人鼓棹謳新曲
驚起田中白鷺飛

觀塑像戲題

閒登佛閣對禪僧
笑付良工貌我真
散淡形骸聊自適
却疑惠遠是前身

林小江郡丞招飲新莊

莊舍相依喜卜隣高樓聳構河之濱開門犬吠
如迎客我鷺鴨成群欲近人
村居忝竊孟家鄰選勝尋芳岳水濱四十年前
龍虎榜與君同是看花人

南樓觀武闈馬射

左右轅門玄武闈材官勇士結重圍將臺角響
黃旗展挾矢呼名策馬飛

飲陳雙山一笑亭

一笑亭開戶不關朝朝暮暮對南山踈簾未礙

看山色飛鳥浮雲日往還

携榼貢院與黃少村少司空對酌

館誼交情四十年相逢杯酌是良緣秋風池上
碧荷雨不爲天涯悵別筵

登烏石山偶成

城上高樓接遠天村中綠水盡平田千山四望
銜紅日獨立秋崖聽晚蟬

攀蘿躡磴步雲橋獨上高臺望海潮城闕秋風
動木黍閒行清興自逍遙

雨中登貢院凌雲臺

澤國鯨波瀚海通八閩形勢古稱雄
試登棘院凌雲頂多少樓臺煙雨中

萬安橋獨步

樹陰隱隱露山腰路入梅亭望不遙
百丈長虹臥溪曲逢人多說萬安橋

訪倪維熙留酌

團團雙栢夾花臺臺畔芙蓉爛熳開
折取一枝蘸秋水秋光分向竹窓來

五言律

瓊林宴

瓊林開御宴聞喜被恩濃
杏苑紛冠冕梨園奏鼓鐘
宮花明綺席天酒瀉黃封慙愧衡茅士
清時際會逢

上表謝

恩宿于禮部

金殿承恩後南曹褻直過
夜闌春尚冷月暗燭來多
雲淨澄銀宇星輝出絳河
明朝有章表側耳漏如何

冬至朝陵

朔風起邊塞胡沙暗遠村麒麟疏隧道龍虎抱
陵原古樹棲寒鵲神宮閉戟門玉魚魂未散青
靄自黃昏

虞惟明侍御招遊通惠河

啜茗危亭上濃陰匝古隄清漪開酢醑碧藻泛
鳧鷖杯酌隨流曲林陰逐景低晚涼幽意愜歸
路過橋西

錦衣鄭蘭齋席上偶成

席敞陳高宴窓開列翠屏高談誰得意深酌自
忘形涼月生秋宇微風散夜星主人真愛客酬
勸不須停

送人作教嶺南

風歛千山雪天開五嶺雲劒光依北斗琴響入
南薰移席看山色尋芳擷沼芹門墻占桃李風
化繫於君

宿圓照寺

問道芳郊外揚鞭古澗中濃花匝幽徑喬木受

高風遠漢歸雙鳥晴坡落數鴻披衣坐蘿薜清
興入無窮

過古城園

寶刹藏丹壑珠林隱石門山川有燕薊風物自
乾坤水落溪多石雲移馬度村帝鄉何處是
落日古城原

登望湖亭

爲愛湖山好重來此地遊瓊樓飛白日瑤宇接
丹丘俯瞰滄洲近遙瞻銀漢愁誓將問仙訣吾

道復何求

鳥道青雲上僧房綠樹邊山門響清磬石鼎動
香煙飛閣臨丹洞重巒吐玉泉坐看塵世遠吾
意欲安禪

題謝同年桐城歸興卷

桐城有高士隱德契幽玄陶謝青山句羲皇白
日眠鳥歸林木茂鱣潑楚江鮮杖屨隨清興年
年樂自然

送廖通判之河南

馬首絡青絲行行適路岐郡迎新別駕人覩舊
官儀吏事無儒術民謠是口碑洛陽形勝地不
負宦遊期
太湖泉
獨有西湖水冷然淨我心派從天漢發脉注地
根深秋鑑金波靜水壺玉宇沉翛然飛動意從
此數登臨

關室

關室通深巷家家機杼聲雞豚連曲陌燈火接

層城地僻衣冠少樓高笑語輕乾坤兩無礙隨
處得吾生

西禪訪林茂貞

嘉木匝虛院夏雲橫遠山鳥飛低不度僧出晝
常關杖策僕夫遠綸巾野老閒何年定吾術心
事白鷗間

遊鼓山上院

百丈盤雲上諸峯勢自卑春風飛燕雀夜雨泣
蛟螭古洞莓苔合危亭碣石支浮生餘白晝携

手到天池

宿上院

上院分山半岩堯法界空巨鼇浮海上飛錫卓
天中枕簟星河逼松蘿雨霧通未明瞻出日雲
際起高風對天盡餘中理未開回羊安奇樹心
木山亭晚憇
山路緣溪狹河梁倚岸平雨蛙喧柳沼風鳥落
花坪晚照含煙碧春流帶草清漁歌傍河曲淒
斷兩三聲

入夏仍多雨浮雲日日陰產毒多傍戶啼鳥不
棲林昏旦鄰春急郊原穡事深諸溪新水漲近
郭已過尋

題扇面山水

獨坐春江晚遙憐紫岫高忘機狎鷗鳥隨意臥
蓬高山瀑飛瓊練松風激翠濤蘆花平淺渚煙
雨弄漁舸

遊華嚴寺

春日虛空界，聯鑣訪古臺。
入門鐘磬發，敞席野
林迴。鴈蕩浮蒼樹，龍池印綠苔。
賞心歡不極，昏
黑上蓬萊。
為有城東約，重尋此寺遊。
山精藏白晝，野鶴下丹丘。
鴈塔風霜古，龍宮日月浮。
行歌留勝賞，臨水問行舟。

過大橫驛

溪澄春雨歇，日出宿帆開。
走浪平沙沒，懸崖過
纜。匝水春分野，碓村戶傍漁。
臺山色青如黛，春

光岸岸來

葉坊

晴雲生遠岫，輕霧點前瀉。
岸柳連青渚，汀花映綠灣。
溪春斜引水，火種遠燒山。
民俗猶今昔，征蓬故往還。

同倪維熙飲釣臺

與君同榜後，相見十年期。
浙水春殘夜，嚴灘月上時。
登臺孤客夢，對酒異鄉思。
更惜明朝別，漫漫南北岐。

張氏藕華居

為憐湖水好重過藕華居把釣臨荷渚移舟傍
葦渠花繁覆堤煖柳暗入亭虛愛爾張平子當
筵網白魚

謝溝舟中見月

夜泊彭城路關河鼓角嚴波光澄月牖野色動
風簾槐柳沿堤暗菰蒲出水纖征途頻問俗豐
歟半相兼

玉田道中

前隊列雙旌塵飛車馬鳴荒山無草木野店有
柴荆驛樹連雲斬塹邊峯接漢城喜逢青瑣客文
藻振英聲

豐潤院中和張道長韻

小院看蔬圃秋英已落花遙空聞過鴈高樹綴
明霞曠野爭寒雀荒城集暮鴉行行近山海回
首望京華

灤河望孤竹祠

日夕灤河路寒村半掩扉城荒存古蹟土曠住

人稀北郡留孤竹西山其採薇椒漿思一薦霜
露欲沾衣

永平公署

使車環郡國踪跡寄天涯深谷水埋徑平橋石
擁沙風煙百餘里樵爨兩三家杳杳飛鴻塞他
鄉見物華

將至北平道中

縹緲依山度馳驅向楚遙晴空初日出峻嶺宿
煙消問俗悲鳴鴈防秋看射鵰自慚涼薄質無

補 聖明朝

良策館阻雨

鳴雨來不歇霏微晚更多飄蓬春已半歌枕夜
如何簷溜喧寒柝松聲散玉珂中宵清夢繞猶
滯此山阿

上巳登洞仙山亭

小亭跨山頂躡蹬飛雲楂路遶羊腸曲溪分燕
尾斜正當佳節會并對春光華長嘯希仙侶逍
遙傍紫霞

長湍府招賢院

路入招賢院平橋過綠灣
岸崩沙磧白石古蘚苔斑
野屋明雙樹溪流抱一山
天涯有歸燕遊子幾時還

重渡臨津江

潮平江岸小山淨野煙開
近水亭依樹齊雲石傍亭
青林響松栝白日震風雷
何處滄波渺漁舟點點來

重過生陽館

老樹千章暗晴峯萬點尖
山肴多棗栗海利擅魚鹽
遠水浮煙歛新苗過雨霑
棲鴉歸返照詩思晚來添

香巖寺

蛇山盤百折綫路繞千尋
萬里風雲壯諸天歲月深
花香浮塔院霞影落丘岑
杳杳鐘聲動遙峯度碧林

寧遠湯泉

凡水性皆冷斯泉氣獨溫
頗疑通海眼已見動

雲根坤軸包玄理川流識化原真機元自妙何
必問寒暄

張灣道中

舟楫江河異燕齊道路通野平雲近樹日夕夜
還風僊閣雲霄上征帆煙霧中蕭條千里望杼
軸萬家空

送鄭署丞節推太平府

佐郡臨姑孰心平政自閒江流抱牛渚城勢面
龍山巨鎮留王跡雄圖護帝關更憐清夜月漁

笛響溪灣

送人宰邑于楚

數年仍宰邑百里亦諸侯泛鷁江天暮飛鴻夢
澤秋銅章明象緯赤縣護神州漢室求循吏當
年說太丘

送陳實判泗州

塗山開舊邸泗水壯名都禹廟留秦漢
皇陵接楚吳桂帆臨澤國入境問樵蘇清獻流風在
懷賢興不孤

東江僉憲于順

憶昔長安日鳴珂散早朝
春燈時共酌秋雨夜
聯鑣匡坐看書卷
虛庭望斗杓
文通真早達
金帶已橫腰

送楊丞之新城

不辭鄉國遠
佐宰近邦畿
鴈影橫塘度
蟬聲古道稀
邑傳秦郡舊
路入漢關微
別思胡笳夕
秋風木葉飛

題永安莊卷

北郭都門外
晴山馬首看
村居臨蹕道
沙檻落風湍
牛笛橫青野
禽聲繞畫欄
市廛尋大隱
猶喜近長安

壽龐錦衣竹坡偕其室人七袞

帝里逢春暮
高堂並古稀
堦蘭迎淑景
庭草弄晴暉
舞袖凝華髮
歌觴映錦衣
瑤臺青鳥會
日晏未言歸

送殷良器領南太常簿

帝里通鄉國
祠官領簿曹
公庭人吏少
省署禁

城高東帶寅三禮彈冠薦百牢五雲清切地香
霧濕宮袍

隆福寺訪何春元

緩轡長安道城陰直柳灣逢僧來竹院訪友叩
雲關林淨花含雨煙開日映山風塵前路滿輸
與老禪閒

茅山喜客泉

一壑清如滴瓊珠散曉霞天空毫可鑑塵淨玉
無瑕碧石聯春草凋欄隱暮花見人如有喜滾

滾印晴沙

潘臬諸君會宴于洪氏莊

卜宅多臨水開軒即見山張筵青草渡倚棹綠
楊灣江霧穿林碧巖花點石斑叨陪冠蓋彥日
夕不知還

晚度慈雲嶺值雷雨

嶺路寒煙積松林晚吹生樹深猶近寺地僻更
通城驟雨迷山色殷雷雜水聲憑高時一望直
北是神京

卷之五
五
柳洲亭

柳岸通堤路蓮塘入水雲湖平見山影風細動
波紋盡舫笙歌席青林鶴鶴群高樓舒望眼煙
樹倚斜曛

淨慈寺

爲有探奇癖重來古寺遊亭虛蓮洞古雲淨鶴
林幽翠擁千峯秀青連萬木稠舊題仍在目餘
興更登樓

重過藕華居用舊韻

懶性非朝市偏宜水竹居洞雲侵座濕松月射
窓虛愛客頻開宴消愁只著書已誇囊有酒豈
歎食無魚

晚入浙江驛

薄暮躋雲嶠平堤過六橋小村通驛路落日正
江潮夜渡爭流急春燈亂影飄越山看不遠兩
岸繫吳船

過桐江

一派桐江水蒼屏兩岸開山形青似削水色綠

如苔帝座光猶故客星隱不來
頽波障萬古知是子陵臺

再遊鼓山

夕憇通霄路晨登喝水巖
攢峯青欲滴屹石勢如劉宿霧
侵山袂浮嵐潤客衫
凭欄凝睇處海上有歸帆

九日張半洲招遊烏石山

石徑逶迤上中天
歷翠芬亭開一江水
窓落萬山雲極浦
蒼煙合平蕪秋色分
憑高俯塵世笑

語九霄聞

鐘聲

緲緲來何遠依依韻不群
霜清寒漏徹月曉曙
光分深院風前度
孤村雨後聞
祇應征戍婦一聽一愁紛

早春登臨漪草閣

春日上高樓江村景物幽
水田飛野鷓溪閣報
山鳩岸遠潮初滿
天空雲自流
曠懷從此適吾道付滄洲

夜宿江亭

夜宿江樓上，星辰手可攀。
雲光扶片月，波影動千山。
遠閣飛螢亂，投林倦鳥還。
清宵動幽興，漁笛在溪灣。

十一月十四日見梅花

閩南春信早，未臘見梅花。
點綴雲初曉，輕盈日半斜。
山林增氣色，風物記年華。
從此陽和暢，群芳競吐葩。

贈毛理相士

袖懷唐舉術，眼有呂公睛。
不待從徐庶，居然識孔明。
風霜雙短鬢，天地一浮萍。
去去雲中路，斜陽送櫂聲。

題明曜山房

愛此真如境，蕭然一室閒。
捲簾低北斗，開戶見春山。
錫杖凌風振，禪房映水關。
踈鐘將日暮，杳靄出雲間。

送郭一厓給事使琉球還朝兼柬李槐亭大行

上國頒恩命文光照海陬夷邦瞻使節李郭共
仙舟 詔下三台動波平百怪收采風知獻納
端拱慰宸旒

雲岡選稿卷之五畢

雲岡選稿卷之六

詩

七言律

奉天殿放榜

宮漏頻催曉箭聲疎星淡月映霓旌六龍夙駕
瞻臨御三殿宏開聽奏名 宸翰新題黃榜濕
天門高照寶燈明草茅際遇從今日薄劣何能
答 聖情

奉和羅峯閣老敬一亭成之作

琬琰堯文煥日章傳心千載破荒唐鹿鳴燕樂
娛賓主魚藻懷忠繫典常相宅遠追周洛誥弘
文應繼古明堂高歌未羨橫汾曲稽首彤墀頌
聖皇

山陵道中

役旅風光未忍論蕭條茅屋數家存荒城返照
山當路古渡橫雲樹擁村遠寺踈鐘風外度遙
空歸鳥霧中昏一杯濁酒堪乘興落葉殘燈半

掩門

慶成宴次贊善林方齋韻

玉殿傳呼坐侍臣金門旭日照龍鱗鎬京此日
沾春宴中國于今有聖人香繞五雲依翠輦
樂成九奏送庖珍僊桃醉色明華袞千載龍飛
萬國春

繁絃急管九天來翠葆朱幢列上台醮宴禮成
周典洽鈞天樂奏舜韶迴雲浮仙掌龍光動日
映華筵雉羽開三度承恩陪侍日許身深愧
濟時才

虞惟明侍御座中見水塔七級玲瓏

栢臺公暇敞高筵對客調冰五月天巧鑿龍宮
浮島穴中含玉宇入雲煙寒光不屬丹青貴凝
碧憑誰肖貌妍麟閣雲臺爭突兀追陪今日見
才賢

贈司成林方齋之南畿

清秩新聯玉笋班 聖朝風教重賢關十年講
幄弘經緯一代儒宗仰斗山神驥霜蹄終逸駕
冥鴻秋影杳難攀即看振鐸南雍地桃李春光

滿目斑

寄謝張二友

舉眼朋知今日異許君於我是知心寒窓半夜
芭蕉雨蠹簡三春楊柳陰道向會時藏用妙心
從靜處識機深勉旃勿作過時歎贈子雙雙綠
綺琴

碧雲寺

碧雲深鎖梵仙宮飛磴峻增十二重樹色鳥聲
開媚景晴光霞綺映高峯石潭波漾魚吹藻塔

院風來鶴舞松歷盡翠微空濕地數聲流水一聲鐘

送戴給事乃岳冠帶榮歸

駝顏鶴髮映烏紗閱遍東風幾歲華謝却山中閒日月直從天上近雲霞門楣王謝稱佳壻鄉里衣冠見故家歸去休牽塵土夢山翁長與話桑麻

戲贈都下孫彥明

家近皇居甲第高繁華不數五陵豪相逢意氣來車馬不爲膏粱易俊髦岐路逢迎長折節風塵歲月自侵毛年年仙闕黃花候錦席文茵泛濁醪

送大宗伯紫巖劉公之南京

金陵百二山河勝重鎮還須屬老臣地切五雲瞻北極淮流六月渡南津經筵暫輟星辰近宗伯初承雨露新計日即虛前席召應將黼黻贊楓宸

送少宗伯張公使郢

手持使節下仙舟代祀兼爲書錦遊禮樂萬年
崇漢典衣冠千載憶軒丘雲開荆楚江山麗望
入湖湘天地浮剩有民風馳奏疏更憐秋思遠
凝眸

送同年李子知雲南

殊邦應喜郡侯來五馬幘帷問俗迴萬里夷方
歸境土九天雨露起蒿萊下車已卜豺狼避行
部重看瘴癘開今日朝廷崇德化安邊瀆仗
出群才

登貢院凌雲臺

凌雲樓閣傍城隈隱隱文光接上台不盡煙霞
彌近郭無邊花柳映高臺况逢良友聞三益共
向春風舉一杯勝賞可能多述作懸知君負子
雲才

送張犀浦方伯之滇南

殊方復覩漢官儀越海應懸借寇思春水三巴
仙棹遠煖風百丈錦帆遲浮雲宦業元無定長
路鄉關謾有期 聖代由來重藩鎮雄才何以

答恩私

同方筆山侍御林榕江儀部遊鼓山次筆

山韻

丹丘晴望白雲浮
拄杖穿花許更遊
清磬一聲山鳥下
閒房半掩越江流
藤蘿窈窕香風細
煙水微茫野意悠
騎鶴峯頭仙子過
洞簫吹徹九

天秋

次榕江韻

七閩形勝占東山
石磴峻增此日攀
人語欲連

天闕近江潮已接海門
彎平田曲澗村村繞絕
巘流雲暮暮還山半夕
陽飛鳥盡鐘聲遙在翠

微間

夏日集白湖鄭氏山堂

閒遊便覺息塵機
清晝江頭坐釣磯
林木蒼蒼溪鳥下
野田漠漠水禽飛
子真谷口能留客
和靖山中暫解衣
不盡烟霞供嘯傲
擬拚一醉夕

陽歸

雨中同榕江訪二如內弟次榕江韻

城南草閣覆春雲沙浦晴飛鶴鶴群紅雨苑花
當戶濕翠煙堤柳逐江分動携棋局尋苔徑靜
對爐香散午薰更有玉童清夜曲多情能得幾

回聞

秋日同高文溪侍御飲張希周山光堂

縹緲孤城最上頭西風蕭颯一登樓雕楹百尺
晴絲卷喬木千章落日幽雨色漸歸閩海夜樹
聲遙報漢宮秋張顛高適才無美潦倒何妨盡
日留

藩幕諸君招飲鰲峯勝觀亭

郡城何處訪名山只在東南咫尺間不盡樓臺
江日淨無邊波浪海雲還地臨碧漢鰲鰲窟天
設珠城虎豹關喜有諸君能勝賞浮生因得一
開顏

水口

山頭暮雲鬱重陰山下茫茫溪水深芳菲岸圃
累百仞結構江樓餘十尋村氓繞屋傍巖曲漁
舸隨流集樹林土風猶喜故鄉近遠道綿綿懷

好音

王僉憲招遊開元寺

溪頭百丈浮圖閣耀日玲瓏絕點埃碧水丹山
環郡勝青簾畫舫逐波來當筵歌舞酣春事開
鎮旌旄屬大材已辦芳樽恣幽賞不妨斜日更
登臺

建溪

晴日含山碧四圍清陰溪閣淨朝暉荻蘆滿地
迷人眼苔蘚沿崖上客衣遠道驅車時拂劍荒
村茅屋尚扃扉雙旌衝霧高峯上時見沙頭黃
鳥飛

遊虎丘

古木清陰娛夏日虎丘名寺住樓船小池曲抱
千人石虛閣平臨第二泉綠樹遠連湖蕩水青
山晴帶薜蘿煙振衣飛鳥流雲外極目朱樓落
照邊

曹戶部招遊大石山

大石山高凌紫霄陰陰藤蔓覆山椒雙飛白鶴

來喬鳥遠引青鸞下玉簫深入風煙停羽騎晚
來歌吹上吳船蒼松翠竹荒村暮明月蘆花映
石橋

渡江望金焦二山

廣陵天際挂風帆鼇背浮空見二山樓閣九天
淹日月寺門千古鎮江關鐘聲吹浪鼉鼉出野
氣沉村鶴鶴還最是中流凝望處恍如身在五
雲間

瓊花觀

曉來獨上瓊花臺瓊花蕪沒生青苔國色天香
何處問牙樯錦纜爲誰來三春草木愁無奈百
萬旌旗去未回道士不知傾國恨猶將九朵浪
疑猜

別山寺次韻

晴雲無雪朔風輕東指關山萬里行紫霧沉村
迷羽騎青巒當徑引霓旌野僧鳴磬客初到古
寺聞香心自清暫向行厨脩竹裏斜陽暮角趣
王程

次角山詠玉田韻

種玉空餘白鶴還
滿田秋草與誰剛
斗牛夜氣寒空靜
麋鹿朝遊野水潺
白石已能成妙訣
金丹猶可駐仙顏
樵歌一曲僧歸路
畫角斜暉下紫山

永平道中望諸山積雪

雪後看山景最奇
瑤臺瓊宇白雲滋
煙開萬里寒光淨
風起孤城曙色遲
曉散玉珂林外出
晴分銀漢渚中移
何須更覓三珠樹
仙嶠凌空一

望時

任西溪諸公招遊北鎮廟

鑿開山勢似游龍
玉削芙蓉聳碧空
旌蓋及門來遠客
衣冠遊宴會群公
春回遼海千峯曉
天入高麗八道雄
不謂登臨愜幽賞
笑將雙劍倚崆峒

遊華表觀

昔人化鶴幾千年
華表于今已浪傳
海畔關城尚無恙
里中丘塚倍於前
山雲江月長爲侶
白

石青松更可憐何事丹砂不相問蓬瀛宮闕隔
群仙

史道長會苑馬太僕副總兵設宴於都司
堂席上有作

雲淡雪消當午夜千門萬戶樂豐年樓臺燈火
迴銀燭文武衣冠集綺筵習習春風吹面薄圓
圓隴月向人圓清尊歌舞良宵會皂蓋風流自
昔傳

頭關站

晴日初消萬嶺煙青郊躍馬信朱鞭編橋乍渡
通流急殘雪猶存覺地偏茅屋數家迴岸曲踈
松幾樹出山巔陽春不道關河隔正是江南二
月天

渡鴨綠江

鯨波萬里泛仙槎碧漢澄泓漾淺沙始信地靈
雄島服遂令天塹限中華扶餘道上春光候鴨
綠江頭楊柳花自是文風歸一統萬年藩屏衛
皇家

納清亭

納清亭子在溪頭溪漾寒流亭更幽晴日雲霞
開遠墅春風煙水落平洲眼前對景供吟興松
下閒行謾釣遊爲爾停杯一舒嘯山光潭影共
悠悠

嘉山嶺

嘉山嶺在白雲頭開鑿于今幾度秋怪石峻峻
欲墜喬松疊疊翠如流却看列岫溪中落遙
見長江天際浮躍馬嘉平還遠去前程有興更

登樓

將發安興館遇雨漫成

寥落村墟陰白茅倚江山郭俯青郊陰晴景異
春無定庭院人稀鵲有巢傍岸已迷楊柳樹隔
墻時見杏花梢沉沉入夜淹行客芳草萋萋滿
綠坳

登練光亭

城上高亭俯碧江茫茫煙艇列千艘游魚出水
紛無數白鳥平沙下一雙石壁橫雲搖遠樹海

風吹浪入寒窓浮金沉碧真如練雲望層霄盡
海邦

渡大定江

晴日和風穩放船輕波蕩漾綠生煙蘭橈好趁
遊魚泳羽隊不驚沙鳥眠碧草遶堤迷遠岸紅
霞映樹落前川控江亭上頻回首極目層巒晚
照邊

風月樓

高樓百尺入雲涼畫棟朱甍接大荒海月迥臨
窓牖靜林風時泛芰荷香微微踈雨含江氣片
片殘雲漏日光斜倚曲欄來晚照一聲漁笛下
滄浪

登快哉亭

快哉亭近碧山頭浪跡于今說勝遊極目蒹葭
滿城郭可人煙景傍林丘新蒲出水直如劍初
月離雲曲似鈎歌罷仙墩春露冷一雙歸鶴過

江洲

宿大同館

平壤古都留巨鎮村墟榛莽半人家一江煙水
開城郭數里松陰覆苑沙王國尚聞遲海嶠客
途幾欲遍天涯仲春已破暮春至又見橋頭飛
柳花

中和郡生陽館次王公韻

萬壑遙從海上來層樓傑構向山開飛飛玉羽
明沙岸裊裊柔條近石臺煙鎖松蘿停翠蓋日
薰桃杏襯紅顛湘簾書永遊絲靜時向晴峯步
紫苔

登黃州齊安館廣遠樓

百尺層樓繞畫欄曉來登眺不勝寒三春花柳
圖中景十里風煙鏡裏看日暖空間盤白鳥波
明海上舞青鸞豪吟似與雲霄近便欲令人生
羽翰

午憇鳳山郡劔水館

水流如劔拖雙碧積翠松陰鎖暮山麥秀平連
丘壠綠苔紋斜點石巖斑溪頭新柳半舒卷嶺
上閒雲自往還雷煥可曾經此地先生夜氣斗

牛間

次金太僕韻

郵亭素幔絕氛埃兩岸群峯入戶來縱酒敢謀
良夜醉看山直為好懷開墻頭嫩綠搖青壁庭
畔飛紅襯紫苔可是春光多着眼題詩深愧杜
陵才

平山府金巖館讀壁間諸作

東國山川欲賞音故教豪客放狂吟清新未厭
三千首追琢能如百鍊金縱使鬼神能感泣敢
言蘭蕙即知心蒼茫獨詠青山老拄杖穿花向
午陰

謁宣聖廟示諸生

丹殿巍峩敞碧林石橋斜倚綠池深春風氣挹
芝蘭秀化日晴籠檜栢陰觀聽橋門圜素履趨
蹌講席曳青衿 聖朝道教如天覆萬國冠裳
自古今

贈朝鮮國王

握符久已鎮東藩忠孝承家作屏翰國度尚存

周禮樂人文猶守漢衣冠中林不復鳴鴻鴈在
野無聞誦考槃 聖主恩光元不淺丹心常許
傍長安

出漢城戲作迴文體
飛雲野色樹蒼蒼曉日晴籠沙霧黃歸鴈送聲
傳寒草轉鶯流韻賦堤楊衣沾露氣花枝好杖
倚山光水路長扉掩半窓溪漾綠霏霏谷徑曲
芬芳

登百祥樓次陳給事韻

萬山雲影亂前川拍岸滄波放釣船百里平巒
青拂樹一江輕浪綠生煙沙暎渡三洲近風
度遙峯獨鳥邊俯檻清流看不盡深林簫鼓夕
陽天

重過林畔館見水田

下車林畔拂征袍暑氣侵人日色高野婦持筐
堆野菜溪翁滌釜薦溪毛開軒散影來青靄入
院乘風聽碧濤岸岸清流歸澗壑村田隨處翦
蓬蒿

駱駝洞

駱駝小洞自何年
槎牙石徑相鈎連
香生臺殿雲埋屋
僧在巖扉鶴避煙
絕岸江聲迷古渡
前山雨氣射平川
登臨不爲藤蘿繞
直上高峯倚翠巔

劉永平招飲鳴遠樓

山圍四野翠屏樓
六月炎蒸氣似秋
煙水茫茫浮遠與
菰蒲隱隱接芳洲
才華作牧重來鎮
公暇邀賓最上頭
宴賞喜聞兵甲靜
五雲高處

帝王州

挽丘棟塘侍御

斯人何事倏云亡
京邸傳聞淚滿裳
綠野有花鶯自老
碧窓無樹鶴空翔
鐵冠豸服終餘事
白水青山是故鄉
欲采江蘼爲一薦
猶憐官守限殊方

黃汝行家賞盆蓮

聞道盆蓮已盡開
招邀元爲看花來
當軒雲錦姿無恙
着意霓裳手自栽
向日淨芳侵軟座
凌

波疊翠映深杯笙歌明月清宵永城上何勞鼓
角催

雨過段于仁留酌

避雨偶來脩竹徑開樽深向紫薇家盆荷出水
深三尺間葉凌風開數花雲淨鈎簾迎月上夜
歸騎馬戴星斜不妨取醉存吾事已見交情遍
海涯

次李序庵閣老九日遊邵園韻

粲粲黃花開野園深秋風物共清尊洞門細霧
頻通閣石壁凝雲欲傍村楊柳芳堤垂羽蓋芙
蓉小苑簇華軒禁林御氣應相近令節還同旣
醉恩

和張宗伯宴朝鮮使臣韻

虞帝薰風播五絃海邦稱貢自朝鮮九重日月
懸丹極萬國冠裳列錦筵御醕光浮分玉饌簫
韶聲徹奏鈞天史臣亦有河東賦宗伯先傳白
雪篇

清鐘急管雜繁絃玉食天廚簇錦鮮百伎盡呈

供奉曲陪臣深醉綺羅筵爭看劔履光華省欲
報瓊琚戴昊天薄劣已曾叨使節和鳴今復誦
瑤篇

送沈章山之任

螭頭帶筆立霜臺十載腰金屬俊才潞水爭看
旌節去閩邦重見故人來關河春暖牙檣動洲
渚風生錦纜開遙羨倚門雙白髮豸衣頻獻老

萊杯

和許松臯太宰宮僚燕集

殿松宮栢映冬蒼東府仙寮醉羽觴周室贊襄
歸畢召漢家事業陋平良德星近聚瓊河上瑞
日重光紫禁傍霄漢風雲同劔履萬年寶曆

頌遐昌

元夕張宗伯宅燕集

學士華燈結綺毬太平歌舞帝王州堂開錦
幃珠宮麗簾捲花欄寶扇幽織女機絲織月淨
鮫工雲彩宿煙浮玉堂仙客良宵會何異蓬萊
見十洲

送中丞魏淺齋巡撫河南

開府烏臺擁節旄，月卿新命屬時髦。
心懸薊北分憂切，治洽周南作鎮勞。
曠野清塵驅虎豹，荒村安業剷蓬蒿。
六飛恩詔迴鑿後，共想中興聖治高。

送洪國華主事之南畿

鄰里名家不乏人，相傳經學接芳塵。
雲霄地切衣冠舊，雨露恩承甲第新。
彩服魚軒娛白日，朱鞭皂蓋照青春。
清曹起草元無事，更喜江南近

八閩

盆荷次胡府丞韻

團團翠蓋映窓紗，淡淡晴光秋色奢。
敢望恩波分帝闕，恍疑塵世到仙家。
嬌紅欲竝瀛洲桂，濯錦還同上苑花。
最喜金風蕭爽候，輕盈盃數朵綴明霞。

贈人

英名早著十年科，儒雅風標亦足多。
疏草昔曾留諫院，詩篇今復盛鑿坡。
相傳洛下爭模紙，不

學山陰只換鴛鴦良會未嫌供給薄秋風踈雨送
笙歌

江浦公署次李涪涯尚書壁間韻

淺渚蒹葭在縣門村莊籬落散雞豚地連淮海
山河壯江抱荆吳日月吞京闕隔雲時隱見暮
潮隨草雜清渾一帆未趁舟人便良夜高樓且
盡樽

詠張甬川家盆蓮

學士盆荷絕可憐臨風如拭相爭妍錦毬迎日
半舒卷翠蓋擎雨時欹顛地連太液恩波早色
借上林佳氣偏詞苑便應留勝蹟共看內禁傳

金蓮

遊東園次許龍石韻

金谷城隅開竹扉水軒山閣轉霏微橋橫古洞
泉流細江抱寒雲樹影稀歌調畫看林葉下舞
筵秋竝野禽飛勸酬潦倒情何極蘿月風煙興
未違

貢院衡鑑堂餞別陸晉川道長

堂開衡鑑蒞笙歌四座清尊笑語和謾訪庭階
尋舊蹟偏驚物候易蹉跎凌雲高閣看山遠近
水虛亭得月多尚憶昔年秋試夜虹橋燈影浸
晴波
念谷除夜次張陽峯宗伯來韻
坐遣韶華一歲除相親惟有五車書椒花采勝
春盤細鼓角高城夜漏餘紅袖醉看萊彩戲青
藜時照子雲居車聲闕外鞞鞞發正是宮壺曉
箭初

元旦次張陽峯來韻

鍾阜逶迤御苑東太平燈火萬家中兩京閭闔
班行地此日衣冠拜舞同鳳集麟遊時共泰龍
蟠虎踞古稱雄清宵翹首依南斗北極光搖帝
座紅

登燕子磯

燕子磯頭構小亭磯邊危石接高城江光旭日
龜鼈出野色晴雲鶴鶴鳴沙岸繫舟春浪靜漁
舸挂網早潮平煙波萬里涵無盡隱隱宮樓倚

太清

山下長江磯上臺
聳空宮閣倚崔嵬
蒼波渺渺含天遠
朱殿巍巍傍日開
萬里層霄堪北望
三湘征鴈自南來
登高欲借凌風翼
一覽滄溟遍九垓

清江碧石相因依
虛閣平臨燕子磯
晉代園陵隨草沒
吳宮臺殿入雲微
氣蒸淮海游鼇動
春到衡湘過鴈歸
獨立蒼崖時極目
天空一鳥任高飛

趙錦衣宅觀燈

元夕笙歌傳戚里
王家甲第綺羅層
亭開竹圃紅梅映
路接朱門碧澗澄
宮帶玲瓏圍錦幃
珠光璀璨列春燈
瑤臺夜靜城頭月
鳳吹聲喧彩霧凝

國學齋居

憶昔清齋宿禁林
辟雍肇祀理朝簪
興邦正仰垂衣治
戀闕猶懸補衮心
習靜彷彿聞仙樂
下端居遙想翠華臨
精禋一念存明德
欲獻丹霄大

寶箴

雪夜張水南見過

紫門清切近皇居
雪夜頻來長者車
誰信交情憐鮑叔
應知高誼逼相如
寒更燒燭催殘臘
杯酒論文檢舊書
京國比鄰仍忝竊
又看學士挂

金魚

壽祠部王三接乃翁

吳臺日照海雲紅
青鳥遙傳紫氣通
北極恩光來杖屨
南山秀色映簾櫳
堂開絳蠟搖花影
座擁香煙茁桂叢
雙鬢年來看未變
清時爭羨鹿

門翁

賜告歸至常山喜述

壯年學宦近雲霄
乞得閒身伴海樵
多病祗應麋鹿友
無才何補聖明朝
山林未省江湖慮
關塞猶聞羽檄遙
仕路風塵已如此
冥鴻遠去不須招

遊平遠臺次許東川太守韻

名山古刹留奇蹟
春日登臨不住心
島嶼青歸

雲外盡江城綠漲雨中深鶯啼老樹千門曉簾
捲幽亭萬木陰醉倚石欄來晚照滿林煙景發
新吟

飲張希周宅次林榕江韻

春山春日上高樓瑞草瑤芝事事幽詞部風流
成絕唱繡衣豪飲更淹留羽觴壺矢堪乘興蘭
畹蒲塘總解憂追憶山光尋樂地向來仍隔幾
春秋

面面山光入畫樓清泉細映竹林幽浮雲捲幔

東峯出落日張筵北海留澤國釣遊聊寄傲邊
塵消息未忘憂傳聞司馬調兵食隴月高懸殺
虜秋

外江... 守... 在... 何...

... 守... 在... 何...

... 守... 在... 何...

... 守... 在... 何...

... 守... 在... 何...

... 守... 在... 何...

... 守... 在... 何...

... 守... 在... 何...

雲岡選稿卷之六畢

